

A NOTTA E SANTU LORENZU

Cca capu all'aria guardu u firmamentu
volera m'esprimu... nu sentimentu
l'haju e fara quandu a stella e cadenta
sinno' non s'avvera, non vale nenta.
E allora stanotta, a capu ava ma gira,
fina cchi viiu a stella cadira.
Non e nu desideriu stranu, stravagantu,
non vogghiu dinari e mancu l'amanta,
non cercu a saluta, non mi lamentu
volera pacia 'nta chissu momentu
Pacia ppe tutti a tutti i tatitudini
ognunu ma torna a li proprij abitudini.
Mai cchiu clandestini e carretti intra mara
e mancu sfruttamentu e mala affara
Mai cchiu kamikaze e terroristi
e mancu Presidenti imperialisti
Adolescenti ccu i fucili armati
cantandu e ridendu ammazzunu i frati.
I paesi do mediu Orienta affratellati
mai cchiu i luoghi santi bumbardati.
In pacia iracheni e americani
acqua e pana ppe populi africani.

Contrabbandu d'organi guagliuni sequestrati
vinduti comu schiavi e poi seviziati
picciuliddhi... ccu locchi spalancati da paura

Cca panza uhjiata e privi d'ogni cura

Volera ppo tumora na medicina

Comu ppo raffreddera l'aspirina

tutta l'umanita ndavera giuvementu

finera sta rovina, finera stu tormentu.

Trafficcanti e droga, e morta corrieri

ppe carita fermativi, cangiati misteri!

A stella non cada, mi sentu insicuru

cchi, succeda domani, com'e u futuru?

A capu si chijca, l'occhiv s'astuta

U Cielu s'illumina, a stella e caduta!

Fu futuru a navata, u cielu solcau

Na lacrima scinda, a speranza torna u

U cora s'allegra, mo su sicuru

Torna l'amuri, e megghiu u futuru!

Sentimu stanotta a vucia do cielu

subba i digrazzi, stendimu nu velu.

nu velu d'amuri, nu velu e perdunu

ssi torna la fede, non soffra nessuno.

Azamula a capu, guardamu li stelli

a notte e Lorenzo su ancora cchiv belli

e si ni pigghja u scunfortu e a Lucia 'on si vida

ce, sempa cchiddu OMU cchi sapa e provvida.